



Op pad met Iwana...
“Hou vas! Die Kerk is op pad!”

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.



Ds Zilcha Mostert en die kerkraad van Gemeente Louis Trichardt

Van kindsbeen af het ds Zilcha Mostert se pa 'n godsdienstige toewyding in sy dogter aangewakker. Dit was 'n toewyding wat die pad na haar teologiese studies en uiteindelik haar roeping as predikant uitgekerf het. Hierdie pad het haar na die NHKA se Gemeente Louis Trichardt gelei waar sy vanaf 30 Januarie 2025 diensdoenend is. Maar haar wortels was nie altyd in die NHKA geplant nie. Ds Mostert het haar studies as lidmaat van die Nederduitse Gereformeerde Kerk (NGK) voltooi.

Sy en haar man, ds Johan Mostert, woon in die pastorie van die NGK Gemeente Levubu buite Louis Trichardt waar hy sedert einde 2024 werksaam is. Ds Zilcha verwoord hul gesamentlike roeping as 'n samewerking met medegelowiges wat gevestig is in afhanklikheid van God – 'n roeping waar hulle saam op die roepstem van God gereageer het. Sy pen die volgende neer oor haar belewenis in die NHKA tot dusver: *Wanneer ek aan my gemeente dink, maar ook aan die Hervormde Kerk in geheel, is ek baie trots om myself 'n Hervormer te mag noem!*

Vanjaar het ds Zilcha haar eerste Algemene Kerkvergadering (AKV) as 'n Hervormer bygewoon. Die AKV het vanaf 6-10 Oktober 2025 sitting in Pretoria geneem. Sy vertel dat die vergadering vir haar 'n vormende ervaring en waardevolle leerskool was. Dit was 'n vergadering wat ruimte geskep het sodat sy die omvangrykheid van beide kollegialiteit en die eenheid van die Kerk opnuut kon ervaar en leer ken het. Dit was juis tydens die aangrypende daaglikse opening en afsluiting deur Woord en sang waar sy die samesyn en afhanklikheid van God se leiding in die NHKA beleef het. Sy beskryf dit daarom as 'n week wat saam met die Woord en lofprysing van God begin het, maar ook saam só afgesluit is. Natuurlik het die beskrywingspunte vir haar bydrae tot die verstaan van die Kerkstruktuur, maar dit was veral die ryk gesprekke en bou van verhoudings buite die vergadering wat bygedra het tot haar positiewe en omvattende verstaan van die NHKA, haar roeping en ook haar mense.

Ds Zilcha spreek haar dankbaarheid oor die 74ste Algemene Kerkvergadering as volg uit: *Ek is dankbaar dat ek 'n week lank by ouer predikante kon leer, hul sienings oor Kerklike sake kon toets, verskeie kwessies met hulle kon bespreek en hul indrukke en insig daaroor kon kry. Ek is opreg opgewonde oor die rigting waarin die Kerk beweeg en sien uit daarna om as jong predikant my bydrae te lewer.*

Ds Zilcha beskryf die verwelkoming in haar gemeente as 'n besonderse eer, voorreg en groot vreugde. Dit is presies ook hoe ons as die ganse NHKA haar by ons wil verwelkom en daarom is dit vir die Kerk ook 'n groot voorreg om te hoor wat ds Zilcha opper wanneer sy oor die Kerk uitgevra word: *Hou vas! Die Kerk is in 'n goeie rigting op pad!*

Ds Iwana Kruger
(Pretoria-Oos en NHKA-joernalis)

Lief en leed



Dr Daan van Wyk (sr)



Ds Gert van der Merwe

- Die Kerk dink aan **dr Daan van Wyk (sr) (emeritus)** wat Maandag 'n beroerte gehad het. Ons bid hom en sy familie God se nabye krag toe.
- **Ds Gert van der Merwe (emeritus)** is gehospitaliseer. Ons bid hom 'n spoedige herstel toe.
- **Die volgende predikante verjaar tot 24 Oktober, en word hartlik geluk gewens:**
 - Vrydag 17 Oktober: Prof JH (Jan) Barkhuizen (emeritus)
 - Saterdag 18 Oktober: Dr JH (Johan) van Staden (Sionspoort) en ds JBJ (Kiewiet) van Deventer (Joachim Prinsloo/Ruskoppies)
 - Sondag 19 Oktober: Ds HN (Hein) Kloppers (Koster/Magaliesburg/Noordrand)
 - Dinsdag 21 Oktober: Di JD (Jan) Grobler (emeritus), en A (André) Steinmann (Piet Potgieter)

Gemeentes en bediening

- Tydens die **74ste AKV** is die volgende predikantslede tot die **Kommissie van die AKV** verkies (die name van die kerkraadslede was nog nie beskikbaar nie):
 - Ds L (Leon) Geel (sr): Voorsitter
 - Ds JM (Janine) Bevol-Manders: Skriba
 - Ds CEC (Colin) Hertzog: Visevoorsitter
 - Dr SM (Sanrie) de Beer: Viseskriba
 - Dr C (Christo) Pretorius: Predikantslid
 - Dr FJ (Frikkie) Labuschagne: Predikantslid
 - Dr DJC (Daan) van Wyk (jr): Sekundus voorsitter
 - Prof J (Jaco) Beyers: Sekundus skriba
 - Ds JT (Jimmy) Manders: Sekundus visevoorsitter
 - Dr RC (Marina) Kok-Pretorius: Sekundus viseskriba
 - Dr JM (Thinus) van Staden: Sekundus predikantslid 1
 - Dr CB (Bernard) Prinsloo: Sekundus predikantslid 2



Ds Stephen de Beer



Prop Carien Janeke



Prop Elizabeth Rossouw



Lede van die Kommissie van die AKV is drr Christo Pretorius, Sanrie de Beer, di Colin Hertzog, Leon Geel, Janine Bevol-Manders en dr Frikkie Labuschagne.

- **Ds GS (Stephen) de Beer (emeritus)** het 'n beroep na Noordwestelike Pretoria (deelyds) ontvang. Hy het die beroep aanvaar.
- **Prop C (Carien) Janeke (beroepafwagting)** het 'n beroep na Glencoe/Newcastle (deelyds) ontvang. Sy het die beroep aanvaar.
- **Prop E (Elizabeth) Rossouw (beroepafwagting)** het die beroep na Gemeente Stellenbosch aanvaar en word op 14 Desember bevestig.



Dr Hannes Janse van Rensburg

- **Dr Hannes Janse van Rensburg (Zuurfontein / SGB) en oudl Fred Paynter** het Dinsdag die NHKA verteenwoordig tydens die opening van die MRCC se Algemene Kerkvergadering in Port Edward.
- **Gemeente Potchefstroom-Suid** vier op **26 Oktober hul 70ste bestaansjaar**. Alle belangstellendes is baie welkom om te kom deel in hierdie geleentheid. Die erediens begin om 11:00 by die kerkgebou op die hoek van Kock en Chris Hanistraat. Verversings sal na die diens in die kerksaal aangebied word en daar is geleentheid om saam te kuier. Die tema van **Dankbaarheid** sluit mooi aan by die Oktober-eredienste van die gemeente.
- Enige saak wat volgens die Kerkorde onder die aandag van die **Kommissie van die AKV** gebring moet word, moet mev Karen Breedts (karen@nhk.co.za) asseblief **teen 3 November** bereik **vir 13 November** se vergadering. **Geen laat sake** sal in die agenda opgeneem word nie.

Werkgeleenthede

• ONS TUIS (NPC)

Het tans die volgende vakature:

INGESKREWE HULPVERPLEEGSTER

Die Raad van Ons Tuis nooi gekwalifiseerde en ervare persone om aansoek te doen vir die pos van ingeskrewe hulpverpleegster by ONS TUIS: RIVIERA in Pretoria. Die fasiliteit is 'n tehuis vir verswakke bejaardes.

Posvereistes:

Die suksesvolle kandidaat moet aan die volgende vereistes voldoen:

- Die aansoeker moet by SANC geregistreer wees as 'n ingeskrewe hulpverpleegster.
- Die posisie is vir 40 ure per week. Wersure is van 07:00 tot 15:00 weekliks Maandae tot Vrydae.

Vereiste vaardighede:

Die suksesvolle kandidaat moet oor die volgende vaardighede beskik:

- Goeie interpersoonlike en kommunikasievaardighede.
- Ondervinding in die versorging van ouer persone.
- Die bou van professionele verhoudings met inwoners.
- Goeie organisatoriese vaardighede, tydsbestuur en oordeelsvermoë.
- Tweetalig – Afrikaans en Engels (geskrewe en gesproke).
- Vaardigheid om basiese verslae te skryf, Kardex, ens.
- Basiese rekenaarvaardighede om sigblaaie in Excel op te stel.

Verantwoordelikhede:

Die suksesvolle kandidaat sal verantwoordelik wees vir:

- Implementering van die versorgingsplan vir die inwoners (Versorgingsplanne van inwoners verskil).
- Voorraadbeheer: Doeke, wondversorgingshouers, droë voorraad, handskoene en toiletpapier (beheer op sigblaaie) vir Ons Tuis: Riviera.
- Beheer die afhaal van staatspasiente se kroniese medikasie van Tshwane se distriksapteek.
- Maak en reël van doktersafsprake vir afdelings – maak afspraak en reël van vervoer.
- Tydige rapportering van instandhoudingkwessies.

Ervaring:

Die suksesvolle kandidaat moet oor die volgende relevante ervaring beskik:

- Bystand met die implementering, instandhouding en verbetering van stelsels en prosedures.

Kwalifikasies:

Die suksesvolle kandidaat moet oor die volgende kwalifikasies beskik:

- Graad 12.
- Relevante kwalifikasie in verpleging.

Vergoedingspakket:

'n Onderhandelbare vergoedingspakket gebaseer op ondervinding en kwalifikasies.

Sluitingsdatum: 24 Oktober 2025

Indien jy nie terugvoering binne twee weke ontvang nie moet jy aanvaar dat jou aansoek onsuksesvol was. Die maatskappy behou die reg om die pos te vul of te onttrek volgens eie diskresie.

Aansoekers wat belangstel en voel dat hulle oor die regte vaardighede beskik soos uiteengesit in die advertensie, kan gerus hul CV stuur na: adm@otmt.org vir aandag: Mnr GG Janse van Rensburg.

• ONS TUIS (NPC)

Het tans die volgende vakature:

GEREGISTREERDE VERPLEEGSTER

Die Raad van Ons Tuis nooi gekwalifiseerde en ervare persone om aansoek te doen vir die pos van geregistreeerde verpleegster by ONS TUIS: RIVIERA in Pretoria. Die fasiliteit is 'n tehuis vir verswakke bejaardes.

Posvereistes:

Die suksesvolle kandidaat moet by SANC geregistreeer wees as 'n geregistreeerde verpleegster.

Vereiste vaardighede:

Die suksesvolle kandidaat moet oor die volgende vaardighede beskik:

- Sterk leierskapseienskappe en moet onder druk kan funksioneer.
- Goeie interpersoonlike en kommunikasievaardighede.
- Goeie menseverhoudings.
- Goeie organisatoriese vaardighede, tydsbestuur en oordeelsvermoë.
- Tweetalig – Afrikaans en Engels.
- Ontwerp en aanpassing van 'n versorgingsplan vir ouer persone.
- Inisiëring van infeksievoorkoming en -beheer protokol.
- Akkurate versorgingsdokumentering.
- Basiese kennis van relevante versorgingswetgewing en die Wet op Ouer Persone 2006 (Wet 13 van 2006).
- Basiese kennis van Gesondheid en Veiligheidsaspekte en die vermoë om risiko's te identifiseer.
- Probleemoplossingsvaardighede en oordeelsvermoë.

Verantwoordelikhede:

Die suksesvolle kandidaat sal verantwoordelik wees vir:

- Die lewering van kwaliteitverpleging in samewerking met 'n professionele span.
- Om op te tree as 'n skofleier.
- Identifiseer, voorkom en bestuur risiko's om die veiligheid van ons inwoners te verseker.
- Verseker 'n positiewe ondervinding vir inwoners deur 'n bevorderlike omgewing te skep.
- Verskaf akkurate en volledige rekords van alle versorgingsingryppings.
- Skep 'n leeromgewing wat bevorderlik is vir die personeel.
- Effektiewe rapportering aan die Bestuurder van die fasiliteit.
- Die hantering en behandeling van noodgevalle in die aand, om pasiënte te stabiliseer en vir verdere versorging te verwys indien nodig.

Ervaring:

Die suksesvolle kandidaat moet oor die volgende relevante ervaring beskik:

- Vorige ervaring by 'n tehuis vir bejaardes of versorgingsoord sal voordelig wees.

Vergoedingspakket:

'n Onderhandelbare vergoedingspakket gebaseer op ondervinding en kwalifikasies.

Sluitingsdatum: 24 Oktober 2025

Indien jy nie terugvoering binne twee weke ontvang nie moet jy aanvaar dat jou aansoek onsuksesvol was. Die maatskappy behou die reg om die pos te vul of te onttrek volgens eie diskresie.

Aansoekers wat belangstel en voel dat hulle oor die regte vaardighede beskik soos uiteengesit in die advertensie, kan gerus hul CV stuur na: adm@otmt.org vir aandag: Mnr GG Janse van Rensburg.

• ONS TUIS (NPC)

Het tans die volgende vakature:

GEREGISTREERDE VERPLEEGSTER x2

Die Raad van Ons Tuis nooi gekwalifiseerde en ervare persone om aansoek te doen vir die pos van geregistreeerde verpleegster by ONS TUIS: PIET POTGIETER in Mokopane, Limpopo. Die fasiliteit is 'n tehuis vir bejaardes wat voorsiening maak vir selfversorging en versorging van verswakte bejaardes.

Posvereistes:

Die suksesvolle kandidaat moet by SANC geregistreeer wees as 'n geregistreeerde verpleegster.

Vereiste vaardighede:

Die suksesvolle kandidaat moet oor die volgende vaardighede beskik:

- Sterk leierskapseienskappe en moet onder druk kan funksioneer.
- Goeie interpersoonlike en kommunikasievaardighede.
- Goeie menseverhoudings.
- Goeie organisatoriese vaardighede, tydsbestuur en oordeelsvermoë.
- Tweetalig – Afrikaans en Engels.
- Ontwerp en aanpassing van 'n versorgingsplan vir ouer persone.
- Inisiëring van infeksievoorkoming en -beheer protokol.
- Akkurate versorgingsdokumentering.
- Basiese kennis van relevante versorgingswetgewing en die Wet op Ouer Persone 2006 (Wet 13 van 2006).
- Basiese kennis van Gesondheid en Veiligheidsaspekte en die vermoë om risiko's te identifiseer.
- Probleemoplossingsvaardighede en oordeelsvermoë.

Verantwoordelikhede:

Die suksesvolle kandidaat sal verantwoordelik wees vir:

- Die lewering van kwaliteitsverpleging in samewerking met 'n multi-professionele span.
- Om op te tree as 'n skofleier.
- Identifiseer, voorkom en bestuur risiko's om die veiligheid van ons inwoners te verseker.
- Versekering 'n positiewe ondervinding vir inwoners deur 'n bevorderlike omgewing te skep.
- Verskaf akkurate en volledige rekords van alle versorgingsingryppings.
- Geregistreeerde verpleegster in beheer van die inwoners se medikasie en moet verseker dat inwoners die regte medikasie ontvang.
- Skep 'n leeromgewing wat bevorderlik is vir die personeel.
- Effektiewe rapportering aan die Bestuurder van die fasiliteit.

- Die hantering en behandeling van noodgevalle in die aand, om pasiënte te stabiliseer en vir verdere versorging te verwys indien nodig.

Ervaring:

Die suksesvolle kandidaat moet oor die volgende relevante ervaring beskik:

- Vorige ervaring by 'n tehuis vir bejaardes of versorgingsoord sal voordelig wees.

Vergoedingspakket:

'n Onderhandelbare vergoedingspakket gebaseer op ondervinding en kwalifikasies.

Sluitingsdatum: 31 Oktober 2025

Indien jy nie terugvoering binne twee weke ontvang nie moet jy aanvaar dat jou aansoek onsuksesvol was. Die maatskappy behou die reg om die pos te vul of te onttrek volgens eie diskresie.

Aansoekers wat belangstel en voel dat hulle oor die regte vaardighede beskik soos uiteengesit in die advertensie, kan gerus hul CV stuur na: adm@otmt.org vir aandag: Mnr GG Janse van Rensburg.

• ONS TUIS (NPC)

Het tans die volgende vakature:

FINANSIËLE BEAMPTTE

Die Raad van Ons Tuis nooi gekwalifiseerde en ervare persone om aansoek te doen vir die pos van finansiële beampte by ONS TUIS: PIET POTGIETER in Mokopane, Limpopo. Die fasiliteit is 'n tehuis vir bejaardes wat voorsiening maak vir selfversorging en versorging van verswakte bejaardes..

Posvereistes:

Die suksesvolle kandidaat sal die finansiële bestuurder van Ons Tuis NPC bystaan in take soos verwerking en probleemoplossing van verskeie rekeninge en transaksies. Hy/sy sal ook aandag skenk aan daaglikse tegniese finansiële vereistes.

Vereiste vaardighede:

Die suksesvolle kandidaat moet oor die volgende vaardighede beskik:

- Sterk leierskapseienskappe en moet onder druk kan funksioneer.
- Goeie interpersoonlike en kommunikasievaardighede.
- Goeie menseverhoudings.
- Vermoë om vertroulikheid te behou.
- Goeie organisatoriese vaardighede, tydsbestuur en oordeelsvermoë.
- Tweetalig – Afrikaans en Engels.
- Probleemoplossingsvaardighede en oordeelsvermoë.

Verantwoordelikhede:

Die suksesvolle kandidaat sal verantwoordelik wees vir:

- Bystand in betalings in lyn met die vereiste beheer en kontrole maatreëls.
- Bekom van kwotasies, hantering van goedkeuring en betaalprosesse en bestuur van verskaffers.
- Rekordhouding van die vorige maand se transaksies.
- Verskaffing van ad hoc-ondersteuning aan die Finansiële Bestuurder soos benodig.
- Sorg dat alle joernale maandeliks geprosesseer word.
- Verseker dat akkurate maandelikse bestuursrekeninge voorberei en voorgelê word aan die onderskeie belanghebbendes asook ondersteuning met die rekeninge.
- Maandeinde verslae.
- Prosessering en rekonsiliëring van krediteure.
- Prosessering en rekonsiliëring van debiteure.
- Prosessering en rekonsiliëring van die kasboek.
- Daaglikse opdatering van kliënte se betalings.

- Aanspreek en oplos van kliënte se navrae.
- Uitstuur van maandelikse state.
- Opstel van maandelikse grootboekverslae.
- Hantering van alle boekhouding van die fasiliteit.

Kwalifikasies:

Die suksesvolle kandidaat moet oor die volgende kwalifikasies beskik:

- Relevante kwalifikasie in Boekhou/Rekeningkunde.
- Finansiële ervaring van 2-5 jaar.
- Rekenaargeletterd en kennis van gerekenariseerde boekhoupakette en ander sagteware (MS Office, Sage One Online, Excel, Pastel Evolution, Xero)
- Ervaring in die NWO-sektor sal voordelig wees.

Vergoedingspakket:

'n Onderhandelbare vergoedingspakket gebaseer op ondervinding en kwalifikasies.

POPI

Deur aansoek te doen vir die bogenoemde pos en deur die verskaffing van jou CV en persoonlike inligting, gee jy toestemming dat die inligting wat deur jou verskaf is vir dié doel aangewend kan word.

Sluitingsdatum: 24 Oktober 2025

Indien jy nie terugvoering binne twee weke ontvang nie moet jy aanvaar dat jou aansoek onsuksesvol was. Die maatskappy behou die reg om die pos te vul of te onttrek volgens eie diskresie.

Aansoekers wat belangstel en voel dat hulle oor die regte vaardighede beskik soos uiteengesit in die advertensie, kan gerus hul CV stuur na: adm@otmt.org vir aandag: Mnr GG Janse van Rensburg.

- **Gemeente Namibkus** (wat Hentiesbaai, Swakopmund en Walvisbaai bedien) nooi 'n predikant of proponent van die Kerk om van **30 November 2025 tot 11 Januarie 2026** in die gemeente te preek en krisisgevalle te hanteer terwyl hul predikant met langverlof is. **Gratis verblyf** word verskaf vir die besoekende predikant en gesin in 'n ruim drievertrekwoonstel, en die gemeente sal 'n **reiskostebydrae** gee vir die reis na en van Namibië. Kontak **ds Leon Janse van Rensburg** so spoedig moontlik vir meer inligting by **+264 81 128 5169** of leonjvr@iway.na.

Vergaderings

- Saterdag 8 November: NHSV Dagbestuur
- Donderdag 13 November: Kommissie van die AKV
- Vrydag 14 November: Kommissie van die AKV

'n Gedig

obed

dienskneg is jy
geen droom kan jou bevry
in Bethlehem is jy gebore
voor duisende in gehore
na jou kom Hy, die
ware Dienskneg
voor almal
na almal

Tearlach

<https://ink.org.za/obed/>

Kerklike en ander publikasies

Nuwe publikasie

R290
(versending uitgesluit)

Bybelse Dagboek in GROOTDRUK

Inhoud identies aan die Bybelse Dagboek-gedeelte van die bestaande Dagboek en Almanak. Hierdie boek word slegs op aanvraag gedruk en daar is geen voorraad vooraf beskikbaar nie. Hou asseblief in gedagte dat daar 'n produksietyd is, so aflewering kan 'n paar dae neem.

BYBELSE DAGBOEK 2026
in grootdruk

Bybelse Dagboek en Almanak

Belangrike inligting oor die Hervormde Kerk én 'n inspirerende Bybelse dagboek in een omslag.

R200
(versending uitgesluit)

2026 Almanak

Bestel by boekwinkel@nhk.co.za

Kom kyk saam

- Klik [hier](#) om saam te kyk na enkele van die gebeure tydens die afgelope 74ste AKV.

Fondsinsamelings

- Dis weer basaartyd!** Laat weet asseblief (taal@nhk.co.za) wanneer ons by julle heerlike pannekoek en basaarpoeding kan kom eet.
 - 25 Oktober: Kempton Park-Oos
Randburg
- Gemeente Wonderboom nooi jou uit na hul Boere-ontbyt op 25 Oktober waar daar ook 'n opwindende lootjietrekking sal wees met drie groot pryse:**
 - 'n Wegbreek by Erasmus Lodge (R4 200)
 - 'n Wegbreek by Weesgerus-vakansieoord (R3 600)
 - 'n Handgemaakte mes (R3 000)

Jy hoef nie teenwoordig te wees om te wen nie, maar is welkom om saam te kom ontbyt eet! **Koop 'n lootjie vir slegs R100 en kies jou 1ste, 2de en 3de prysvoorkeur.** Beskikbaar hier: <https://tinyurl.com/msh3ahts>. Navrae: Ds Lilian Erasmus 083 255 2082.
- Gemeente Randburg: Swaeltjiefees.** Randburg se Hervormers hou basaar op **25 Oktober** vanaf 09:30. Kom kuier saam in die teetuin. Les jou dors by die dorstuin. Vir die hongerpyne is daar lekker pannekoek, boepensbroodjies, boereworsrolle, kerrie-en-rys en tuisgemaakte lekkers. Vat sommer daarvan saam huis toe vir die aand of die volgende dag.
Vermaak:
 - Kunstenaars Gert Koevert en Jaco Strydom
 - Baie speletjies met pryse vir die kinders
 - Verfbal

Buite-uitstallings en witolifanttafel

Veilige parkering
- Dit is amper weer tyd **vir Gemeente Makarios se jaarlikse Gholfdag op 6 November by Kempton Park se gholfbaan.** Koste: R2 000 vir 'n vierbal of R500 per speler. **Borgskappe per gat** is beskikbaar teen R500 per gat. **Vir meer besonderhede of om te RSVP** kan die volgende persone gekontak word:
 - Carina Cronje 079 515 8596
 - Riaan Mong 082 337 3146
 - Ds Frikkie Viljoen 082 906 7774
- Gholfdag in Tzaneen – moet dit nie misloop nie!** Gemeente Tzaneen nooi jou uit na hul opwindende Gholfdag op **7 November 2025** by die **Tzaneen Country Club**. Afslaan is om

11:00 en groot pryse is op die spel, insluitend 'n splinternuwe New Holland TT75-trekker met 'n putjie-kolhou! Die inskrywingsfooie van **R2 500 per 4-bal** sluit 'n ete in, en daar is ook 'n loslootjietrekking. 'n Borg per putjie kos **R5 000** en sluit 'n 4-bal in. Die formaat is **2 Ball Scramble Drive**. Betaal by **Absa**, rekeningnommer 1260 570 230, takkode 632005, met verwysing: **Naam/Gholfdag**. Vir meer inligting, kontak **Carl by 083 706 9588** of **Morne by 064 752 9483**. Kom ondersteun die Hervormde Kerk in Tzaneen en geniet 'n dag vol pret en pryse!

- Dit is weer tyd vir **Gemeente Kampersrus Hoedspruit** se **basaarlootjies**! Daar is **meer as R45 000 se pryse** wat gewen kan word teen **slegs R100 per kaartjie**! Die pryse wissel van 'n heerlike harepamperlang ter waarde van R400 tot verblyf in Mosambiek vir ses persone ter waarde van R16 000.

Daar is twee maniere om deel te neem:

- Koop direk by Susan la Grange.
- Jy kan ook via WhatsApp jou kaartjie by 072 636 8001 (Susan) bestel. Jy sal 'n genommerde kaartjie elektronies ontvang. Betaal regstreeks in die bankrekening met jou lootjienommer as verwysing.

Bankbesonderhede: Nederduitsch Hervormde Kerk, Standard Bank, rekeningnommer 033358346, takkode 052752.

Die trekking vind op **30 November** plaas!

Kikker jou kas op!

"das" nie iets beter nie...

Bestel vandag nog jou NHKA-das en wees trots deel van Hervormd-wees!

Bestel hier:

Van der Hoff Teologiese Vereniging

- Bestel by boekwinkel@nhk.co.za

**Slegs
R200**



Toerusting

- **Help ons om die Kerk se stem sterker te laat klink!** Is jy passievol daarvoor om die sigbaarheid van die NHKA in die samelewing te versterk? Ons nooi jou uit om deel te wees van 'n opwindende geleentheid om die Kerk se digitale teenwoordigheid te help vorm.

Ná waardevolle terugvoer van Hervormde teologiese studente oor ons sosialemediaplatforms (Facebook, YouTube, Instagram en LinkedIn), het ons reeds betekenisvolle verbeterings begin aanbring. Nou wil ons graag ook predikante betrek om hul unieke perspektiewe te deel. Geen voorbereiding is nodig nie – net jou tyd en insig tydens 'n informele aanlyn gesprek. Jou deelname sal ons help om die Kerk se boodskap meer relevant en toeganklik te maak vir almal.

Datum van aanlyn gesprek: 6 November 2025.

Hoe om deel te neem: Stuur jou volle naam en van, ouderdom, woonbuurt en gemeentenaam aan **ds Iwana Kruger** by **079 848 4865** of per e-pos na goeienuus@nhk.co.za.

Verdere besonderhede sal in die komende maand gedeel word. Ons sien uit daarna om saam met jou te werk aan 'n sterker digitale teenwoordigheid vir die NHKA!



- Op 19 Junie 325 nC is die eerste weergawe van die **Geloofsbelydenis van Nicea** amptelik aanvaar tydens die Konsilie van Nicea. Wêreldwyd vier kerke vanjaar hierdie gebeurtenis van 1 700 jaar gelede. Die HTK het 'n **inligtingsblad** geskep oor Nicea wat gemeentes kan help om Nicea op hul eie manier te herdenk. Klik **hier** vir die inligtingsblad. Dit is 'n dinamiese blad en word gereeld bygewerk met nuwe inligting. Hou die gereelde advertensie in *Blitspos* dop om op die hoogte te bly.



Vier Nicea
1 700 jaar later

HTK se tema vir VTT 2025 is **"Nicea 1700 – Ek getuig"**.

Gemeentes word hartlik uitgenooi om tussen **3 Augustus en 19 Oktober 2025** aktief deel te neem aan hierdie opwindende projek.

Wat is beskikbaar?
Baie inligting
Liturgiese riglyne en preeksetse
Toerustingsmateriaal

Besoek: <https://hervormdeteologie.co.za/>
Laat ons saam getuig van ons geloof – 1700 jaar ná Nicea!

Studentesake

- NHSV Studieleningfonds 2026.** Die NHSV beskik oor studielenings vir studente in enige studierigting. Slegs lidmate van die Nederduitsch Hervormde Kerk kwalifiseer vir die toekennings. Die aansoekvorm vir 2026 kan **hier** afgelaai word. **Die sluitingsdatum vir aansoeke is 15 Januarie 2026.**



IS JY IN 2026 'N MATIE?

Stellenbosch Hervormde gemeente wil jou graag ontmoet en ondersteun in die oorgang van hoërskool na studentelewe! Ons hou 'n aanvangskamp by die Jeugkampterrein net buite Stellenbosch, omring deur berge en wingerde.

Kontak ons vir meer besonderhede:

dr Chris le Roux
cleroux@mweb.co.za
079 495 3239

OF prop Elizabeth Rossouw
3erossouw@gmail.com
081 833 7022 (WhatsApp)
078 032 3910 (bel)

OF vul die kampbrief in en stuur hom vir ons: <https://tinyurl.com/ycwxzkuy>

25-27 JANUARIE 2025 OM 14:00 OP DIE 25STE, BY DIE KERKGEBOU R400 PER PERSOON

Eerstejaar of senior, **almal** is welkom



Barmhartigheid

- NHSV Dagbestuursvergadering** vind **Saterdag 08 November** plaas.
- Elke hou ten bate van 'n kind – Rata Drive for a Child-gholfdag 2025**

Op 12 Augustus 2025 breek die *Drive for a Child*-gholfdag vir 2025 aan. Dit gebeur ná veelvuldige beplanningsvergaderings, oproepe aan moontlike donateurs en gholfspelers en fisiese harde werk om dié dag onvergeetlik te maak. Daar is 'n gedruis van opgewondenheid onder die spanne wat ingeskryf het, die personeel van Rata en vrywilligers, én dan speel die weer ook nog saam – 'n heerlike sonskyn dag met die geur van lente in die lug – beslis 'n teken van hoop.



Rata staan in dankbaarheid vir almal se betrokkenheid, of jy gholf gespeel het, probeer gholf speel het, 'n prys geskenk het, enige vorm van donasie gemaak het of ook net saam met ons gebid het dat die jaarlikse gholfdag 'n sukses sal wees. Sonder ons gemeentes, besighede en individue wat ons ondersteun en ons Skepper se genade, sou die dag nie 'n sukses kon wees nie. En 'n sukses was dit beslis!

Saam met die jaarlikse gholfdag is daar ook 'n babasorgpakkieprojek geloods en Rata het groot dankbaarheid vir elke donasie wat vir hierdie doel ontvang is. Ons kan nou babas in nood toevou met 'n kombles van liefde en in hul onmiddellike behoeftes voorsien.

Die tema van die aandfunksie was *bring die hoop weer terug* en Rata kan getuig dat met die hulp van almal genoem, is ons hande sterker om die hoop vir ons kosbare kinders, gesinne en gemeenskappe weer terug te bring.

Ons amptelike fotograaf Hendrik Grobbelaar (ha.grobbelaar@gmail.com) het uitnemende foto's geneem! Kyk gerus [hier](#) na al die foto's.

Ons grootste wens is om die *Drive for a Child*-gholfdag wat vir **20 Augustus 2026** geskeduleer is, nog 'n groter sukses te maak. Maar tot dan fokus ons eers op ons ongelooflike *Ride for a Child*-fietsryspan wat ten bate van Rata kilometers en kilometers op hul fietse aflê en 'n verskil maak aan die kwesbaarstes van ons gemeenskappe – ons kinders.

Dankie is so klein woordjie, wat nooit sal kan beklemtoon hoeveel ons almal waardeer wat ons hande sterker maak, maar die glimlag van 'n kind wat uit haglike omstandighede gered is, wat die geleentheid het om nou net 'n kind te wees, sê soveel meer en dit is wat ons donateurs vir ons moontlik maak – om 'n volhoubare diens aan ons kinders te lewer.

Dankie dat u hulp om weer hoop terug te bring vir soveel kwesbare kinders.

Nicolene Cordier
Assistentdirekteur: Rata



- In **Omsendbrief 2 van 2025** bring die NHSV Hoofbestuur die volgende inligting onder die aandag van ons vrouelidmate: **Streekbyeenkomste vir 2025** in die onderskeie NHSV-streke; **50ste Nasionale NHSV Kongres** wat beplan word vir 26-28 Junie 2026; **Ouditering** van NHSV-takke se boeke; **Barmhartighedsuitbetalings** vir 2025; **NHSV Studieleningfonds** vir Hervormde studente wat in 2026 studeer; **Voogtakbetrokkenheid** wat verander het as gevolg van die verkope van Van Rensburg- en Louis Trichardt-tehuise; **NHSV Welstandsprogram** in samewerking met NHKA-Welstandsprogram; **NHSV Takjaarverslae** wat ingedien word teen 15 November 2025; inligting oor **NHSV Facebook-blad**; **NHSV Publikasies**: *Die Christelike Vrou & Vroueflitse*. Volg die skakel [hier](#) na ons NHSV-omsendskrywes.
- Die **NHSV** kondig graag drie nuutverkose **streekverteenvoorders** aan:
Bloemfontein: Ds Anel Boshoff, 082 787 7847, antjieels8@gmail.com
Oos-Kaap: Ds Denise Schmidt, 084 600 0448, denise7zcyj@gmail.com
Pretoria: Mev Altha Reinecke, 072 601 6954, altha.reinecke@gmail.com
- **Machteld Postmus** te **Brooklyn** het tans eenhede beskikbaar in 'n rustige omgewing naby 'n winkelsentrum en kliniek.
Kamerfasiliteit beskikbaar by Riekie Boshoff teen R3991 per maand.
Johannes Postmus: Eenmanwoonstel teen R4641 en eenslaapkamerwoonstel teen R6363 per maand.
Tweeslaapkamereenheid te koop teen R1 232 000 by Machteld Postmus.

Indien u belangstel om meer uit te vind of te besigtig, skakel suster **Sonja Stander** by **012 346 2418**.

- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
 - Eenslaapkamer: R515 000
 - 1½-slaapkamer: R520 000
 - Tweeslaapkamer: R560 000
- Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.
- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.
 - **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
 - **Athalia Uitreik in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbriëf

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbriëf geplaas word. (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na taal@nhk.co.za. **GEEN** advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos.** **Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir die week

'n Gebed om vrygewig te leef

Hemelse Vader,

sonder U het ek niks nie.

Elke goeie gawe en elke volmaakte geskenk kom van U,

maar soms sien ek u geskenke aan my as iets wat ek verdien.

Soms kom ek in die versoeking om my rykdom, tyd en hulpbronne op te gaar, in plaas daarvan om dit met ander te deel.

Eintlik weet ek dat ek geseën word om 'n seën vir ander te wees.

Help my asseblief om 'n goeie rentmeester te wees van die gawes wat U aan my toevertrou het.

Verander my in iemand wat mildelik lewe en uitdeel.

In die Naam van Jesus,

Amen.

https://blog.youversion.com/af_ZA/2021/04/vyf-gebede-om-geestelike-te-groei/